

建置志

志曰王制司空掌邦土度地居民蓋建置興作亦王政所不廢者邑在前代建置頗多但因革不一傾頽既久惟於城池學校而外有名在基存者無敢或遺其他不可考者亦無由志矣志建置

城池

始建未詳自漢唐來稱重鎮及石敬瑭後歷宋金元五百餘年至明始歸版圖洪武為鎮朔永樂為左衛正統間以邊外雲川衛內徙附入為左雲川衛始磚包城週圍十里一百二十步高三丈五尺濠深二丈南北西門三座以東面高峻傍山岡不便設

左雲縣志

卷一

一

門特闕焉北額控朔外永安南額拱辰外永綏西額靖遠外永清南關外門曰望恒以東面雖不設門議建一樓以利眺望窩舖五十座南關廂初甚宏偉嘉靖丁未副總兵吳公鼎東西各削其半制稍儉丙寅兵備僉事韓公應元會總督侍郎吳公兌巡撫鄭公洛同副總兵麻公貴議重修增築加七尺通高四丈二尺復建兩滴水大城樓三座各豎一匾北曰雄鎮大漠南曰名都重輔西曰永控玉關號房一十八間對樓九間將軍樓九間牌房九空北城添建關帝廟一座號房一十八間甕城內土地廟三間四角磚樓四座沿城樓舖四十六座修釘城門九合磚包甕城裏外

見西門誌石

萬曆辛丑左叅政樊公東謨建東城樓匾

其東曰鞏護陵京南曰至於太原西曰雲西第一觀北曰虜在目
中雉堞已狀萬厯庚戌右布政韓公策復拓修南關城並大城
頂牆關門三建樓各五楹南曰宣平東曰景陽北曰安甯敵角
四建樓各三楹敵臺二建舖各一楹大城加墁一層女牆俱改
磚砌閎偉堅緻勝概倍增今又百十餘年制非舊矣

舊分管

邊牆長十三里九分 邊墩二十四座 接烽墩五十四座
城堡

助馬堡 城連大關通高三丈女牆八尺朵口四百三十四週圍
三里七分上建大樓三座角樓九座東門一座南門一座由嘉

左雲縣志

卷二

二

靖二十四年興築土城萬厯元年磚包內設叅將署一座轅門東
西澄清一路闌外長城二坊大關守備署一座雲中鎖鑰坊一
架四牌坊東曰和陽西曰靖遠南曰廣仁北曰永定東門外教
場一座邊長二十五里三分

三屯堡 東至張七梁六里南至縣城十五里西至右玉六十里
北至甯魯十五里所轄邊牆一里七分邊墩一座城高三丈五
尺週圍二百步隆慶三年始築萬厯二年磚包年久有殘破處
甯魯堡 東至威魯二十里南至三屯十五里西至破虎三十里
北至大邊五里墩臺十八座接火墩十一座邊長十一里三分
城高三丈七尺週圍二里七分建於嘉靖癸卯磚包於萬厯癸酉

威魯堡 東至滅魯二十里南至雲西三十里西至甯魯二十里北至大邊二里墩臺十六座接火墩八座邊長十一里九分城高三丈八尺週圍二里二分土關一座週圍三百一十八丈建於嘉靖癸卯磚包於萬曆癸酉

保安堡 東至拒門二十里南至滅魯十五里北至助馬二十里西至大邊二里墩臺十五座接火墩四座邊長十四里三分城高三丈七尺週圍一里三分土關一座週圍三百一十四丈建包與助馬同焉時

拒門堡 東至拒牆南至破魯西至助馬俱二十里北至大邊五里墩臺二十三座接火墩七座邊長十五里城高三丈二尺週

左雲縣志

卷二

三

圍一里八分與助馬同時建包

破魯堡 東至鎮河二十五里南至高山三十五里西至滅魯十七里北至助馬二十里接火墩臺五座不臨大邊城高四丈二尺週圍三里三分建包與威魯同時

滅魯堡 東至破魯十七里南至高山三十里西至威魯二十里北至保安十四里墩臺六座接火墩十座邊長四里三分城高三丈五尺週圍二里四分嘉靖癸卯建

雲崗堡 東至大同西至高山各三十里南北俱村接火墩臺八座新舊二堡舊設崖下嘉靖之戊午也因北面受敵議移岡上萬曆之甲戌也舊者仍留以便行旅新者尚土築女牆係磚包

共高三丈五尺週圍一里五分下有寒泉皆佛窟亦靈境也石佛考佛坐像體高五丈一尺五寸

高山城 城高四丈二尺週圍四里三分建於嘉靖乙未包於萬曆丙子

雲西堡 東至高山西至左雲俱三十里北至威魯三十里南至石佛村五里接火墩臺十座城高三丈五尺週圍一里三分建於嘉靖戊午包於萬曆甲午

破虎堡 城高三丈八尺週圍二里建自嘉靖甲辰包於萬曆甲戌

汛防

左雲縣志

卷二

四

左雲城守千總一員 外委二員 馬步兵七十名

汛防四路 共舖一十一處 每舖設馬兵一名步兵四名

東路 十里舖 二十里舖 往東高山城汛防

南路 南金莊舖 紅溝舖 沙嶺梁舖

水泉舖 臧家店舖 四十里莊舖

吳家窑舖 往南懷仁縣界

西南路 啞叭嶺舖 往西右玉縣界

西北路 西十里舖 往西右玉縣界

東南隅敵臺一座 內修九窑十八洞以備眺望遺尚存

助馬堡設防

叅將一員 中軍守備一員 外委把總二員 馬步守兵二百四十名 汛舖三處

三屯堡

明設把總今裁

甯魯堡

明設守備今改設把總一員 馬步守兵四十一名 汛舖三處

威魯堡

明設守備今改設千總一員 馬步守兵四十一名 汛舖三處

左雲縣志

卷一

五

保安堡

前明設操守今改設把總 馬步守兵三十八名 汛舖一處 拒門堡

明原設操守今改設把總 馬步守兵四十名 汛舖三處

破魯堡

明設守備後改設把總今裁

滅魯堡

明設守備今裁

雲崗堡

明設操守今裁

高山城

明設守備一員 千戶一員 今改設都司一員

千總一員 外委二員 馬步守兵共六十八名

汛舖七處

站馬歸縣

雲西堡

明設操守今裁

破虎堡

明設守備今改設把總一員官屬助馬路民籍錢糧歸併右玉縣學校

文廟在縣城西大街中為大殿五間康熙二十四年翼以兩廡

左雲縣志

卷二

六

各有一十五楹前為大城門三間東名宦祠三間西鄉賢祠三間一前為泮池跨以石橋橋外為櫺星門牌坊三空東柵牌坊曰金聲玉振西柵牌坊曰江漢秋陽繁東為學門門角魁星樓一座向北照壁後 崇聖祠三楹敬一亭一座大殿後為明倫堂堂左博文齋三間堂右約禮齋三間兩旁門二座東奎垣西映秀明倫堂後為尊經閣西有講堂三楹同治年間秦文煥重修挨有牌坊一座曰文行忠信微東書坊三間今廢後為訓導宅共九間其省牲齋宿之所碑箴之亭無一不備康熙二十九年奉旨豎下馬碑於櫺星門外東西各一

聖祖仁皇帝匾

萬世師表

世宗憲皇帝廡

生民未有

高宗純皇帝廡

與天地參

仁宗睿皇帝廡

聖集大成

宣宗成皇帝廡

聖協時中

文宗顯皇帝廡

左雲縣志

卷二

七

德齊幃載

穆宗毅皇帝廡

聖神天縱

今上御極廡

未頒

文昌祠有二

一在學署對門飛閣高峻下臨通衢謂之文昌閣坐北向南一在城內東岡廟貌崇聳平臺高列謂之文昌臺有司歲時致祭朔望行香均於此廟八景中文臺覽勝即此處

書籍

聖諭廣訓一本

學政全書一本

御製訓飭士子文一本

大清律一部二套二十本

御纂日講四書一部十二本

康熙字典一部四十本

御纂朱子全書一部十二本

十三經一部十二套一百二十本

御纂周易折中三部三十六本

駁正呂留良四書講義一部八本

御纂性理精義三部十五本

念一史一部五十套計五百本
目錄開後

欽定詩經傳說三部七十二本

史記二套二十本 前漢二套二十四本

欽定春秋傳說三部七十二本

後漢二套二十本 三國一套十二本

欽定書經傳說三部七十二本

晉書四套三十八本 宋書一套二十四本

欽定四書文二十本

南齊一套十本 北齊一套八本

御書四言韻文一紙

南史二套二十本 北史三套三十本

左雲縣志

卷二

八

憲皇帝雍正上諭六部六十本

梁書一套八本 陳書一套八本

資治通鑑明史綱目一部四本

後周書一套八本 魏書二套二十四本

明史一部一百二十本

隋書二套二十本 唐書四套四十四本

科場簡明則例本本

五代史一套八本 宋史十套一百本

戒飭廩生不准出貢條例一本

金史二套二十本 遼史一套八本

鄉飲酒禮條例一本

元史五套五十本

舉報節孝條例一本

祭品

錫香爐二件

柴油燭臺 十對

錫鏹 十件

缶油登 二件

錫罇 四件

竹籩五十二件

錫罇勺 二件

木豆五十二件

錫爵五十七件

獻帛木匣十件

錫簋十六件

黃油獻盤三件

錫簋十六件

錫爵櫃一 櫥

銅罇櫃一 櫥

經史櫃二 櫥

樂器無

學田

敵臺梁地三十畝南至劉姓東至王姓北至常姓西至路

馬家河灣地四畝南北俱至三官祠地東西俱至崖頭底

左雲縣志

卷一

九

馬家河崖地十六畝東至學田西北至崖頭南至沙冀二姓

馬家河梁地三十畝東南俱至溝沿北至郭姓西至學田

馬家河梁地十二畝東至學田南至溝沿北至路西至孟姓

南門外地頃二十畝南西俱至溝沿東至陳家堡宋姓牆根北

宋姓大圪塆

五峯嘴村地四頃三十畝

南門外東西畛地一段八畝南北畛地一段四畝

學租

每一頃收租市米一石五斗 草五十束

乾溝子村每年交租錢二兩五錢

四峯山 每年交租市斗米四斗 交糧倉斗米四斗九升一合三勺

豆五斗八升二合四勺 草一十八束八分九厘

土額

初制廩膳二十人宣德二年制增廣二十人弘治間始設附學不限數洪武十五年廩膳每人定月米一石折銀一兩優免地糧二石人二丁增廣附學無月米優免與廩生同

國朝因之自己丑變後逃亡初集咕嗶者寥寥每考取進二名順治十三年康熙二年廩糧免俱奉裁止存廩生膳夫銀兩康熙二十四年四川撫院姚公締虞具題部復奉

旨准復廩糧三分之一順治十八年後以歲兼科康熙十二年復

左雲縣志

卷二

十

行科考進如歲考例兩案共進一十六人武生原進不拘名數取無定額自康熙十八年新進之數與文生同惟科考不與焉自改縣後歸併附近城堡九處數仍舊

義學

在文廟東前令蕭以舊衛署遺址畧二十餘畝給義學耕種充館穀

講約所

在縣治西 關帝廟每月朔望有司率屬會講

聖諭十六條萬言廣訓雍正七年閏七月十二日奉

旨抄出到部行山西學政一體遵行凡府州縣城內及各大鄉

村均擇寬間潔淨之所設為講約之處於舉貢生員內擇學行優者為約正令其每月朔日至講所誦

聖諭廣訓為之推闡其義剴切詳明使人通曉每年各約正從地丁錢糧各給銀六兩以為化導衣食之資再擇樸誠謹慎者三四人為值月令於每月朔日豫約同約鄉之人並耆老里長集講所俟約正至皆相對三揖以齒分左右設立講案於庭中直月向案北立先讀

聖諭廣訓須抗聲宣誦然後約正推闡講畢直月將所置勸德業規過失二籍告於約正而授其次有善者眾推之過者直月糾之約正詢其實眾無異辭乃命值月分別書之直月遂讀記善

左雲縣志

卷二

十一

籍一徧其記過籍呈約正耆老等默視仍付直月收之事畢眾揖而退歲終考較其善惡彙冊報縣勸懲其直月每年亦從地丁錢糧內各給銀三兩六錢至於月正直月果能化導督率使一鄉之中於三年之內犯法少而向善多該州縣申報於府由府而司道核實申督撫學臣擇學行最優者具題送部引

見其誠實無過者亦應量加旌異以示鼓勵其或不能董率怠惰廢弛者該地方官申詳督撫學臣即行黜罰選擇代換之人地方官視為具文侵尅廩餼不實心奉行者一經察出該督撫據實參處恭候

命下行文各直省督撫學臣一體奉行

公署

舊設

兵備道署

在城東街明嘉靖三十五年建
康熙元年奉裁遺址尚存

協鎮府署

在城南街東偏明嘉靖三十年建
順治六年奉裁遺址尚存

西路管糧廳

在城北街倉場西乃通判署後改同知署康熙三十三年移住右衛三十九年
右衛理事同知移住此署雍正四年改為縣署

左衛署

在城西南巷存址

雲川衛署

在城西南巷存址

守備署

在城隍廟西

醫學

在南門西

經歷司

有二在兩衛左右址存

義倉

在東街道署東址存

陰陽學

在鼓樓東

書院

在城隍廟東址存

左雲縣志

卷二

十二

僧會司

附清吉祠

道會司

附文昌祠

演武廳

在南門外今移北門外

神機庫

在城東南隅

養濟院

在甕城內遺址存

察院署

在東街道署東址存

分司署

在東街察院後址存

今設

知縣署

即西路同知舊署

陰陽學

附西門外茶房廟

訓導署

在文廟東偏

僧會司

附城隍廟

千總署

在鼓樓東街乾隆十六年創建

道會司

附龍王廟

典史署

在鼓樓東街雍正八年典史張宗齊奉文領藩銀創建

醫學

寓鼓樓南街

廣充倉

在縣治東

雲川驛

在縣署大門內東偏

南草場

北草場

外委署

在千總署後隔壁今成廢址

坊表

塞北巖城坊

在北門外今廢

世科名帥坊

為總兵陳霞子進士國策立今廢

雲西雄鎮坊

在南門外橋南今廢

明時清秩坊

為鴻臚寺序班王繼志立

提衡八路坊

今廢

麟郊鳳藪坊

在帝君廟前今廢

協鎮三雲坊

在副府左右今廢

峻節凌霜坊

為王耀武妻邱氏立今廢

左雲縣志

卷二

十三

正氣凌霄坊

天寵褒嘉坊

為延安府同知王繼孝立今廢

丹心貫日坊

在關帝廟左

京貴元戎坊

為總兵畢應武立

詰戎冀北坊

靖氛漠北坊

督餉雲西坊

在西路同知署左右

威震華夷坊

在鼓樓南關帝廟前

雄增地險坊

在鼓樓南關帝廟右

神遊八極坊

在安樂廟前今廢

氣懾天驕坊

在鼓樓南關帝廟左

控弦十萬坊

翊贊文明坊

在帝君廟前

靈顯忠佑坊

在城隍廟左

穹窿真境坊

在三清觀前

神鑒幽明坊

在城隍廟右

分符裕國坊

在同知署西

雲西保障坊

在守備署西巷口今廢

萬古英雄坊

在關帝廟前

細柳英風坊

今廢

寶鳳書院坊

在鼓樓東街

古白羊城坊

在縣署西

天地配坊

在文廟左

帝王師坊

在文廟右

旌忠祠坊

為總兵曹文詔立今廢

欵塞坊

在北門內今廢

閱武坊

在南門內今廢

西疇坊

在西門內今廢

解阜坊

在南門內閱武坊北今廢

飭武坊

在兵備道署在今廢

籌邊坊

在兵備道署右今廢

宰朔坊

在北嶽廟前今廢

日精坊

在鼎榆宮左

月華坊

在鼎榆宮右

進士坊

為方銓張琳方宜規立今廢

經魁坊

為舉人張琳立今廢

文魁坊

為舉人王禮立今廢

世科坊

為舉人蕭琮蕭漢立今廢

舉人坊

有二為侯傑虞甯立今俱廢

節婦坊

為范安妻楊氏何志高妻重氏張璽妻劉氏王宗伊妻鄭氏立今廢

左雲縣志

卷二

十四

總節孝坊

節婦坊

為尹起萃妻李氏立在城內錢家巷

樓閣

聚奎樓

即魁星樓也兵備道張維樞協守周有道倅王履中總戎計輔畢應武與諸弁士民共建地基週圍二十四尺頂塑奎星匾其東曰東壁聚圖南曰離明南嚮西曰西方昌運北曰列星北拱途曰四軌樓疊三層稱壯觀也康熙四十七年重修

鼓樓

在城之中舊制匾東曰輝聯奎壁南曰日進長安西曰雄峙崆峒北曰風清沙漠明萬曆九年重修後匾其東曰震起朝曦南曰雲山拱衛西曰光凝暮紫北曰乾光金鎖

太平樓

在城之北匾其南曰雄鎮樓煩北曰微垣拱極上奉真武北奉觀音 康熙五十年重修同治十二年五月初八日午時無故自崩現在邑人馬光璽提募修焉

鐘樓

在城之西向西匾曰振遠向東匾曰樵樓乾隆年間重修夏公國俊監督工程

尊經閣

在文廟後

藏經閣

在楞嚴寺後匾曰人間天上又曰天竺聖境又曰空中樓閣

玉皇閣

在城東坡

三賢閣

在勒馬廟後

文昌閣

在文廟前

壇壝

社稷壇

在南門外迤東

先農壇

在南門外迤東

厲壇

在北門外迤東

風雲壇

山川壇

八蜡壇

三壇俱在西門外

祠廟

左雲縣志

卷二

十五

城隍廟

在城東南

土地祠

在城東南

關帝廟

在城西街

安樂廟

在城正東

勒馬廟

一在南街一在甕城

三皇廟

在城東南

真武廟

在城東南鼎榆宮

三官廟

有三一在城東南一在閻家巷一在錢家巷

聖母廟

一城東南一城東北

北嶽廟

在城東南

節義祠

在城東街

東嶽廟

在城東南

旌忠祠

在城南街

十王廟

在城東南今廢址存

馬王廟

在城東南

商家廟

在城東北

瘟神廟

一城東南一城南關

三王廟

在城東北

府君廟

在城東南

魁張廟

在城西北

孫仙廟

在城東南

郎神廟

在城西街

魯班廟

在城東街

南雙廟

在城西門內

唐家廟

在城東巷

北雙廟

在城西門內

龍王廟

有三一在城東南一南門外
一北門外

潘家廟

在魁樓西

財神廟

在城東北

靈官廟

在城西南

董家廟

在城東北

楊家廟

在城西南

火神廟

在城北門

范家廟

在城西北

一誠廟

在城洞兒街

樊家廟

在城西南

魏家廟

在城中所街

鐵王廟

在鼎榆宮南

真武廟

此小真武廟一在縣治西一在城西北
石橋東一在南門內東巷

八蜡廟

在城西門外

左雲縣志

卷二

十六

河神廟

在城外東北隅

圓覺寺

在城東南

三清觀

在城東南

楞嚴寺

在城東南

牛山寺

在城東南

千佛寺

在城南街

極樂寺

在城西南

準提寺

在城西北

延福寺

在城西南

白衣寺

一榆樹巷一南甕城

三教寺

在南關外

普陀寺

在雙廟北巷

清吉寺

在城西南

元都觀

在城東南

西南寺

在城西南

海潮庵

在城西北

得月庵

在城西南

淨聖庵

在城西南

慈佑庵

在城南門口

般若庵

在城北街

大土庵

在城東北

觀音庵

有四一在鐘樓西一在張家小巷
一在水口街一在馬王廟街

圓通庵

在城東北

南禪堂

在城東南

橋梁

石橋

在南門外

三臺橋

在高山西五里

木橋

在西門外每當春水開設橋利涉入冬始撤今廢

吊橋

三門俱有今皆廢

市集

米糧市

東西南北四街輪流每市十日週而復始

草市

南北街二處

炭市

東北街二處

牛驢市

在城內鼓樓北

墓塚

范都督墓

在城外正西范家墳距城三十里

張提督墓

在城外正北白家窑距城十里

左雲縣志

卷二

十七

錢總兵墓

在城外東古城村距城三十里

畢總兵墓

在城外正北錢家堡距城五里

裴知府墓

在城外正西朱家窑距城五里

葛副使墓

在城南

李榮祿墓

在城外正北白家窑距城十里

陳總兵墓

在城外正西孫家河距城五里

曹總兵墓

在城外正西將軍梁距城五十里

范叅政墓

在城外正西距城六十里

義塚

有二其一在西門外係廖夢科施其一在北門外即邑厲壇每逢清明中元十月朔城隍出巡有司致祭於此

官政志

朝廷設官分職所以宣上德體下情因民心而出治道也故世變則武備嚴世治則文教興雖歷朝沿革不同要皆有因時制宜之意焉左雖彈丸昔為鎮衛雄疆今設縣治幸遇

國家承平休養生息數百年矣昔也荷戈而執戟今則秉耒而橫

經官斯土者所以致咏羔裘而懍戒鵝梁者當何如其報稱耶志
官政

官制

官制自漢至元俱無可考明自嘉靖三十三年始移副將於左
衛嘉靖三十七年邊患又復孔亟總督侍郎江公東戶部尚書
經畧楊公博以右衛孤懸遠隔大同勢難應援請設兵備道與
協鎮副將並駐左衛所轄則中與北西威遠三路及高山等二
十八城堡其大較也

原設

協鎮副將一員

順治年間
奉裁

兵備道一員

康熙元年
奉裁

左雲縣志

卷二

十八

道標守備一員

旗鼓官二員

巡風官二員

把總官一員

協鎮旗兵一員

旗鼓官二員

巡風官二員

千總官三員

把總官五員

火器營把總四員

守備官一員

門官三員

經歷司二員

倉官一員

場官一員

屯官一員

掌印守備二員

鎮撫二員

以上俱奉裁

西路同知一員

康熙三十年移
駐右衛

千總一員

康熙三十九年
移右衛

掌印守備一員

康熙三十八年設

教授一員

雍正三年設縣後改為訓導

理事同知一員

雍正四年奉裁

改設

知縣一員

陰陽學一員

訓導一員

醫學一員

典史一員

僧會司一員

千總一員

道會司一員

外委三員

助馬堡叅將一員

中軍守備一員

分防巡檢一員

雍正八年設道光十二年裁

外委把總二員

左雲縣志

卷二

十九

甯魯堡把總一員

破虎堡把總一員

威魯堡千總一員

高山城都司一員

原係守備改設

高山城千總一員

高山城外委二員

分防高山巡檢一員

雍正八年設乾隆四十三年裁

拒門堡把總一員

保安堡把總一員

千總一員

以上五堡一城俱屬左雲汛地歸助馬叅將轄

歷官

兵備道

楊師震

嘉靖戊午始設山東人

王彙征

陝西人

胡麟

直隸蒙城人

王希堯

甘肅慶陽人

葛大紀

陝西潼關人

崔鏞

陝西榆林人

隋府

山東魚台人

左熙

陝西耀州人

韓應元

山東歷城人

咸懷良

山東萊陽人

許守謙

直隸藁城人

楊松

河南人

鄧林喬

四川內江人

孫化龍

直隸東鹿人

呂三才

山東人

辛志登

陝西耀州人

徐三畏

直隸人

黃嘉善

山東人

樊東謨

陝西蒲州人

韓策

直隸人

袁汝翠

湖廣石首人

張維樞

福建人

劉遵憲

直隸大名

邵可立

陝西人

王點

直隸大名

李正

直隸河間

來福

陝西西安人

劉彝鼎

陝西延安人

鄭之尹

浙江人

邱民仰

陝西人

劉永祚

陝西人

聶明楷

四川人

相有度

山東人

戚良宰

山東人

耿應衡

楚黃人

李逢春

遼東人

馮瑾

直隸人

左雲縣志

卷二

一二十

協鎮副將

張琮

嘉靖乙卯任右衛人

田世威

河南人

吳鼎

陝西人

王尚忠

宣府人

尚表

右衛人

趙崧

陝西人

董一奎

宣府人

郭琥

陝西人

趙伯勳

大同陽和人

麻錦

右衛人

麻貴

右衛人

朱瀚

宣府人

尤繼先

陝西人

倪尚忠

宣府人

黃明臣

宣府人

馬林

大同蔚州人

焦承勳

左衛人

錢華

老營人

計輔

平魯人

西路通判

陳思明

山東人

李鳳吟

直隸人

李智

山東人

吳鯉 直隸人

甯友直 河南人

韓寵 直隸人

陳文周 直隸人

岳鵬 河南人

王世康 直隸人

孫緒先 陝西人

翟來旬 山東人

王珠 陝西人

張應昌 陝西人

高選 直隸人

陳秉仁 直隸人

孫奕世 直隸人

王榮誥 陝西人

萬愛民 山東人

楊亮 直隸人

汪鑰南

楊銓 遼東人

張肇斌

張國宗

馬正午 宣府人

張萬春 滿州人

周令樹

董燧昇 直隸人

張里侯 江南人

佟世俊

朱士毅

柯彥芳 遼東人

謝淳

朱允功 江南人

左雲縣志

卷二

一一一

經歷司

劉鸞

唐義

王承美

陳思明

溫世冕

馬有德

沈應辰

鄧邦本

桑紹印

梁大德

石承召

王錢

朱克敬

李可元

馮有德

楊大清

生希節

趙興

吳崇鶚

耿士毅

趙繼先

張鶴

楊啟棟

王嘉相

安守先

辜良弼

王應詔

杜其漸

黎裕民

左雲衛掌印守備

陳言

武進士

王世勳

杜懋官

史直

呂成周

孟淑孔

任萬鈞

呂應伯

姚良佐

王英

齊名失考

趙承緯

李桂芳

王烈

王斌

李貫

劉自達

儒學教授

秦傑

陝西人

呂春陽

直隸人

張九叙

直隸人

左雲縣志

卷二

一一一

曹崇信

蒲州人

周元

天津人

傅宗顏

昌平人

陳官

萬全人

賈希山

溫和

直隸人

高楫

獲鹿人

劉守一

梁守魯

太原人

丁炳

陝西人

張國佐

張治綱

垣曲人

張養性

平陽人

趙紳

甘澹

山東人

孔門哲

陝西人

趙觀光

遼州人

李琰

直隸人

任相

直隸人

因鶴

曲沃人

張岳

浮山人

李勗

董奕光

介休人

張化樞

偏頭所人

劉宏憲

李以忠

緱之珍

高平人

陳繼業

樂亭人

翟熠

侯名失考

楊時昇

高澄 翼城人

霍璟 馬邑人

武安邦 威遠人

知縣

蕭啟棟 直隸河間府青縣甲辰
進士雍正三年九月十七日任

袁大選 陝西西安府富平縣戊子科
舉人六年三月十八日任

汪繼榮 江西廣信府興安縣
拔貢九年九月十八日任

閻介年

李鸞 陝西同州府大荔縣庚戌科
進士乾隆三年九月初三日任

劉岱 雲南大理府雲南縣癸卯科
舉人八年十月二十八日任

李應辰 山東萊州府高密縣丙辰
科進士十一年八月初六日任

田奧 陝西西安府富平縣乙卯科
舉人十二年十一月十五日任

劉文豹 福建汀州府長汀縣丙午
科舉人十六年七月二十六日任

張九功 雲南臨安府建水州壬戌科
進士十九年六月初六日任

李玳馨 廣東嘉應州長樂縣附
貢二十四年三月二十一日任

穆隆安 正黃旗滿洲癸酉科舉人
二十九年六月初十日任

魯何 江西建昌府新城縣癸未科
進士四十年十二月十六日署

李廷琰 直隸永平府臨榆縣己卯科
舉人四十一年正月二十九日署

左雲縣志

卷二

一一三

羅興禧 湖南長沙府安化縣丙子科
副貢四十一年四月初二日任

陳長春 浙江杭州府仁和縣監生
四十六年十一月十八日署

楊開泰 廣西柳州府融縣廩生
四十六年十二月十七日任

孫捷三 直隸永平府灤州辛卯科
舉人五十年六月十三日署

郭晉 雲南澂仁府河陽縣丁酉科
舉人五十三年三月初三日署

王筮 直隸大名府大名縣己亥科
舉人五十四年二月十二日署

朱 四川叙州府興文縣拔貢
五十五年正月十七日署

高準 廣東韶州府英德縣庚辰恩科
舉人五十五年六月二十七日任

林英 福建福州府閩縣甲午科舉人
五十六年十月十五日署

王棟 五十七年閏四月十三日署

熊耳槐 雲南大理府雲南縣壬午科
舉人五十七年六月初七日署

商連 直隸正定府平山縣壬辰科
進士五十九年七月十六日兼署

譚薰世 湖北陸安府天門縣丁酉科舉人
嘉慶四年五月二十六日署

胡殿襄 河南汝甯府汝陽縣拔貢
四年十月二十四日署

吳德輝 江蘇江州府吳縣丁酉科
舉人五年二月十八日兼署

張兆安 湖北武昌府蒲埔縣己酉科
進士五年四月二十四日任

珠 原係朔平府同知五年
七月十八日兼署

李紅 江西撫州府崇仁縣庚子恩科
進士八年三月十五日任

王敏樹 順天府寶坻縣癸卯科舉人
十三年二月二十九日署

孫燿 順天府大興縣國子監供事
十二年八月十二日署

繆廷樞

順天府宛平縣監生十
四年五月十五日署

俞廷樞

直隸保定府清苑縣庚子科
舉人十五年六月初三日任

廣善

二十三年六月二十九日兼署

席濂

二十三年七月二十四日兼署

趙洛

安徽廬州府合肥縣甲辰
進士二十三年十二月初九日任

李壽春

山東武定府利津縣己酉拔貢
道光三年八月初一日署

李慎德

河南歸德府夏邑縣戊午
舉人三年三月十六日署

許昭德

原係右玉縣知縣四年
八月初一日兼理

任近光

陝西直隸商州甲寅恩副榜
四年八月初五日署

張崇型

江蘇松江府婁縣大挑一等
五年二月初一日署

黃廷鏞

原係朔平府經歷
七年正月二十日代理

易鳳泰

七年二月初五日委署

于旭鍾

江西建昌府瀘溪縣己巳恩科
進士七年閏五月二十二日任

趙秀書

陝西西安府咸甯縣庚午
舉人十年正月十六日署

華典

直隸天津府天津縣丙子
舉人十一年正月初一日署

賈獻珍

江西瑞州府高安縣優貢
十一年八月二十八日任

秦秀三

十九年八月初二日署

張柳南

山東萊州府高密縣戊戌
進士二十年正月二十七日署

徐大勳

順天府大興縣方畧館供事
二十年九月十六日署

王家寶

直隸定州戊子舉人
二十一年八月二十七日署

左雲縣志

卷二

二四

吳承曾

順天府大興縣吏員二十二年
八月十七日署

程承芳

二十四年六月二十四日代理

昌祿

二十四年六月二十九日兼理

丁璜

湖北黃州府黃岡縣辛丑
進士二十四年八月十三日署

馬宗閔

直隸永平府龍盧縣乙未
進士二十八年十一月二十二日任

楊山鼎

咸豐二年三月初五日代理

錢佩銘

雲南雲南府昆明縣乙未恩
科舉人二年三月二十四日署

孫培金

江蘇揚州府甘泉縣乙未
恩科舉人二年十月初二日任

陳準

湖北黃州府蘄州癸酉
舉人三年六月十一日兼理

柴文富

直隸天津府天津縣戊寅
舉人三年七月二十四日署

鄭兆芝

湖北麻城縣監生四年
閏七月十五日任

楊樹本

湖南郴州宜章縣甲午
舉人六年十月十一日署

董慶咸

順天府大興縣監生
七年七月十八日任

高乃炘

浙江仁和縣甲午舉人
同治五年正月十九日署

龔元箸

直隸宣化府蔚州己亥
舉人五年十一月初十日署

廉隅

鑲白旗蒙古丙辰進士
六年八月初八日任

王家坊

浙江嚴州府分水縣辛酉
拔貢七年五月二十七日署

榮安

鑲白旗滿洲辛酉舉人
七年十月二十一日任

陳綱

浙江山陰縣監生十一年
十一月二十一日代理

宋用中

湖北漢陽縣癸卯舉人
十二年十一月二十七日署

駱良弼

四川新都縣監生平魯縣知縣十三年六月初十日兼理

吉昌

鑲紅旗滿洲筆帖式十三年八月初十日代理

謝德鎔

順天府宛平縣監生光緒元年十一月十五日任

王啟綸

河南開封府祥符縣辛未進士二年六月十三日署

余小頤

陝西興安府平利縣監生軍功保荐知縣光緒四年六月十三日署

蔣濂

浙江湖州府歸安縣監生軍功保荐知縣光緒六年任

訓導

賈永隆

大同府山陰縣歲貢雍正四年十一月二十四日任

武紱

太原府祁縣庚午舉人五年八月二十三日署

馮秀英

忻州靜樂縣歲貢六年六月二十五日任

唐亮章

大同府應州歲貢七年五月初二日署

楊濂

平陽府岳陽縣歲貢九年二月十八日任

李迪

太原府崞嵐州歲貢十三年八月初九日任

程經

潞安府長治縣歲貢乾隆四年二月二十七日任

楊作棟

忻州歲貢七年九月十三日任

魯啟臨

絳州垣曲縣歲貢十年六月初一日任

王繼禹

甯武府偏關縣歲貢十二年十一月初六日任

趙南年

平定州樂平縣歲貢二十五年五月初七日任

薛搗謙

大同府廣靈縣歲貢二十六年八月十三日任

左雲縣志

卷二

一五

李椿

汾州府介休縣歲貢二十七年十二月二十七日任

相以忠

鮮州安邑縣戊子舉人三十一年十二月二十日署

雷昶

大同府大同縣拔貢三十二年六月十九日任

續俱揚

代州崞縣丙子舉人四十六年九月十九日任

栢朝陽

平陽府浮山縣歲貢五十二年五月二十九日署

孫有謚

太原府太口縣庚辰五十二年十一月二十六日任

李全珍

平定州廩生五十五年二月十六日署

喬元惠

澤州府陽城縣歲貢五十五年十二月初三日任

楊增業

太原府徐溝縣歲貢嘉慶元年十二月十九日署

侯逢泰

太原府太谷縣庚子舉人二年閏六月二十日任

侯綸

太原府榆次縣己酉舉人七年正月初一日任

冀承祖

太原府太谷縣庚子舉人七年六月初九日任

馬汝錦

絳州稷山縣十三年二月初九日署

油鑄

太原府崞嵐州歲貢十三年六月初三日任

梁沛霖

汾州府平遙縣歲貢二十年正月十七日代理

張澄

太原府陽曲縣己酉舉人二十年二月十五日署

李恒彪

平陽府汾西縣歲貢二十年十月二十九日署

張海

汾州府石樓縣歲貢二十一年六月二十四日任

常世安

大同府渾源州丙午舉人二十一年十月十三日代理

焦久照

忻州廩貢二十一年十一月初三日任

郭而昺

甯武府徧關縣歲貢
二十二年十一月初三日任

傅聯馨

道光四年十一月二十八日兼理

張思文

四年十二月二十日署

劉元嘿

五年正月二十日代理

武濂

太原府文水縣廩貢
五年二月初二日署

盧建極

平陽府太平縣辛酉
舉人六年十二月二十六日任

薛秉經

八年七月十三日代理

張作梅

八年八月初八日兼署

李昌宗

平定州癸酉舉人
九年六月二十四日任

石鳴濤

平定州孟縣己卯舉人
十三年七月十三日兼理

李光乾

十三年七月二十七日署

張朝陽

十三年十月二十五日署

張棣

十四年正月初十日署

郭伯魁

平陽府汾西縣歲貢
十四年二月十六日署

王夢熊

太原府陽曲縣歲貢
十九年七月初四日署

王文桓

太同府天鎮縣乙酉
舉人十九年十一月二十八日任

衛立言

澤州府陽城縣戊子舉人
二十年十二月十七日兼理

周履恭

平陽府臨汾縣廩貢
二十一年正月二十六日署

常焜

二十二年三月初四日署

劉邦榮

二十二年五月二十四日代理

左雲縣志

卷二

一六

馮湜

平陽府吉州廩貢
二十二年五月二十六日署

王翊運

潞安府長治縣歲貢
三十三年九月初八日署

王應聘

二十四年五月初三日署

馬汝墉

平陽府翼城縣戊寅舉人
二十四年十月二十三日任

晉泰昌

咸豐二年三月初二日兼理
絳州聞喜縣壬辰舉人

劉宗漢

太原府太谷縣廩貢
二年四月初五日署

張仰泰

二年十月初二日任

解惠疇

解州平陸縣乙亥舉人
十一年六月初三日兼理

畢維垣

二年九月初六日署

董慶咸

係左雲縣知縣三年
正月十三日兼攝

秦文煥

澤州府鳳台縣癸卯
舉人三年七月十五日任

榮全義

汾州府介休縣廩貢
十一年七月二十四日兼理

孫德涵

太原府興縣歲貢
十一年九月初一日任

郎輔周

汾州府介休縣壬戌舉人
十二年四月二十二日任

宋兆庠

汾州府汾陽縣壬口恩科
舉人光緒元年十二月十九日署

余卜頤

署左雲縣知縣奉府
委五年二月十八日兼攝

王丕承

代州廩貢生五年四月初二日署

典史

張宗齊

順天府宛平縣書辦
雍正三年十一月十九日任

王陞珍

直隸保定府左所吏員
九年九月十八日署

任世懋

直隸趙州栢鄉縣供事
十年三月初二日任

劉基發

順天府大興縣攢典
乾隆五年十月二十二日任

饒文光

江西建昌府南城縣書吏
二十五年四月初四日任

王用中

直隸河澗府故城縣
監生二十七年十一月二十六日任

張植芳

廣東湖州府大埔縣監生
二十九年二月二十二日任

郭永清

順天府宛平縣供事
三十一年正月初一日任

張盛業

江蘇太倉州嘉定縣監生
三十四年十二月十八日任

齊眉

江蘇揚州府儀徵縣
監生三十五年五月初二日署

王殿魁

陝西西安府渭南縣監生
三十五年閏五月初二日任

方義

順天府大興縣監生四
十七年四月二十五日任

周奕鎧

江蘇蘇州府吳縣監生
嘉慶五年二月十六日署

李清和

順天府大興縣供事
五年五月初二日任

陳邦達

順天府固安縣監生
七年十二月初七日署

李思晉

順天府大興縣供事
八年八月初三日任

調鈞

江西九江府瑞昌縣監生
十一年八月二十七日署

李棲鳳

順天府大興縣監生
十二年十二月二十八日任

賀廷琬

直隸廣平府鷄澤縣
十三年二月十七日署

湯廷英

浙江紹興府會稽縣
十三年六月十二日代理

左雲縣志

卷二

二七

王元

順天府宛平縣十
三年七月十一日署

李標

順天府大興縣供事
十三年十月初二日任

黃中

江西撫州府崇仁縣監生
十八年三月二十二日署

王宗培

順天府大興縣供事
十八年四月二十四日任

程維金

原係助馬口巡檢二十四年
四月十七日代理

袁應誥

直隸真定府阜平縣
附貢二十四年五月十九日署

方祖培

直隸保定府清宛縣吏員
二十四年九月三十日署

朱鎬

順天府宛平縣供事
二十五年九月初七日任

姚宗湘

浙江紹興府會稽縣道光
二年二月十五日代理

傅瑞麟

順天府宛平縣監生
二年十一月初二日任

錢世勳

順天府宛平縣監生
十年十月十三日兼理

黃訓德

江蘇常州府陽湖縣
監生十一年四月二十一日任

黃朝棟

十四年三月初六日代理

張淇

順天府大興縣十四年
五月初八日署

張貽桐

浙江紹興府山陰縣十五
年四月十二日任

業運長

二十二年四月二十八日代理

陳廷榮

直隸保定府清宛縣
吏員二十二年六月初六日任

劉炳

順天府大興縣附監生
二十二年十月二十七日任

朱璫

直隸承德府豐甯縣監生
二十八年十二月初一日署

諸葛夔龍

原係威遠堡巡檢八年
十二月十九日兼理

魯應泰

直隸永平府榆縣監生
咸豐九年正月二十一日署

祁瀛山

直隸宣化府懷來縣吏員
十年四月二十八日任

孫冠儒

山東武定府蒲台縣供事
四年十二月初六日署

陳廉貴

直隸保定府清苑縣
附貢五年十二月初一日任

陳師孟

浙江紹興府山陰縣監生
十一年三月初一日代理

貧啟元

陝西同州府華陰縣貢生
十一年七月初六日署

姚粵布

安徽安慶府桐城縣同治
十二年八月初四日任

高山城巡檢

陳裔芝

直隸廣平府成安縣吏員
雍正八年八月十三日任

陳文光

江南江甯府江甯縣乾
隆九年九月初三日任

金鍾鼎

順天府大興縣十四
年十一月二十八日任

李有常

浙江嘉興府桐鄉縣二十
八年十二月二十五日任

章盛業

江蘇太倉州嘉定縣監生
三十三年十二月二十一日任

齊眉

係左雲縣典史三十五年
五月十五日兼理

王體仁

順天府大興縣監生
三十五年七月二十三日任

王殿魁

陝西西安府渭南縣監生
三十五年十二月十二日署

范士燾

順天府大興縣三十九年
十一月十一日署

劉尚文

順天府大興縣供事
四十年七月二十二日任

左雲縣志

卷二

二八

康濟源

四川成都府金唐縣監生
四十三年正月十八日署

陳際熙

四川重慶府定遠縣附貢
四十三年六月十三日任自此奉裁

助馬堡巡檢

王陞珍

直隸保定府左所吏員
雍正八年九月十三日任

李 瑫

直隸深州總吏十二年
八月十三日任

陳廷埰

江南甯國府旌德縣
乾隆十年七月十二日任

余廷棟

順天府宛平縣十二年
五月初一日任

鮑孟畧

安徽池州府青陽縣
十三年四月二十九日任

件廷棟

陝西鳳翔府鳳翔縣供事
二十一年十月二十五日任

汪 英

江南徽州府歙縣監生
三十二年十二月二十八日任

李九如

浙江杭州府仁和縣三十三
年十月二十五日任

易萬成

湖南長沙府醴陵縣監生
四十二年八月二十六日任

唐國翰

湖南辰州府沅陵縣監生
四十二年十一月初二日任

林大本

順天府宛平縣監生
四十四年六月二十四日任

李治平

順天府大興縣監生
四十四年十月初四日任

徐為章

江西瑞州府高安縣監生
四十九年三月初四日任

蔣思程

貴州貴陽府筑縣監生
四十九年十月二十一日任

黃嘉謨

湖北黃州府麻城縣監生
嘉慶十二年十二月二十九日署

程維金

順天府大興縣供事
十三年四月十五日任

駱 棟

浙江紹興府山陰縣供事
道光四年四月十四日兼理

龔可焯

順天府大縣縣
四年八月十五日任

錢世勳

十年十月十二日任

龔可焯

十一年五月驗看回任
十二年十月奉文裁汰

政事

祀典

崇聖祠

上丁祭

文昌祠

同文昌祭日

聖 三代祠

同武聖祭日

文 廟

上丁祭

名宦祠

上丁祭

鄉賢祠

上丁祭

忠義祠

擇日祭

文昌廟

仲丁祭二月
初三日加祭

節孝祠

擇日祭

先農壇

耕藉日祭

八蜡壇

戊日祭

武 廟

擇日祭五月
十三日加祭

山川壇

戊日祭

雩禮壇

四月祭

邑厲壇

清明中元十月
朔凡三祭

社稷壇

戊日祭

龍王廟

擇日祭

迎春

耕藉

課農

較士

考事

賓興

催科

起運

左雲縣志

卷二

二一九

鄉飲

讀法

訓練

舖防

祀神

保甲

送學

政績

孫化龍

直隸人進士左衛兵備道才稱果斷政號精明歷陞大同
巡撫

韓應元

山東人進士左衛兵備道撫卹軍民繕修城垣歷陞山西
左叅政

張維樞

左衛兵備道整飭地方修舉廢墜創建聚奎樓邑中稱肚
觀也

佟養量

遼東人順治六年總督宣大有免科豁荒二疏讞獄雪
張戎盜馬之罪燭內丁楊洲玉隱匿齊生員所埋之銀
給還原主不以私人廢公義至如補賠運載之車牛葬
埋死事之骸骨重修文武廟及報忠祠各處捐貲不吝
其勸善興仁俱關風化造福邊民不淺云

翟 熠

聞喜舉人左衛儒學教授到任後振興學校課士有方人知
向學左雲文風漸起者公之力也

張九功

雲南建水州人進士左雲縣知縣下車後興利除弊知無不為至今邑人猶稱頌焉

李玳馨

廣東長樂人監生左雲縣知縣莅任以來盡心供職善政多端民咸德之

熊耳槐

雲南大理府舉人左雲縣知縣乾隆五十七年任憫恤災黎曾減豁上五路陳家窑十三村糧賦

吳承曾

順天府大興縣吏員左雲縣知縣道光二十二年任二十四年督修城工

丁璜

湖北黃岡縣進士左雲縣知縣道光二十四年任嘉惠士林設膏火以課士邑人德之後調曲沃罵賊殉節奉

旨建祠於曲沃以旌其忠

孫培金

江蘇楊州府舉人左雲縣知縣咸豐二年任三年初辦兵差公布置得宜一切支車應馬章程妥善民免騷擾邑人感之

董慶咸

順天府大興縣監生左雲縣知縣咸豐七年任適值張軍門兵變由甯武來直逼城西將入門肆掠焉公偵知其情單騎坐門兵不敢犯邑賴以安

李昌宗

平定州舉人道光六年任訓導品行端正作育人材設教盡心遠近從學者甚衆

左雲縣志

卷二

三十

張仰泰

絳州舉人咸豐二年任訓導品學兼優嘉惠士林

人物志

志曰尺沼之水可隱蛟龍十室之邑必有忠信左雲雖小豈伊

無人但自古來多無可考即往代數人亦僅得之殘碑斷簡中

載筆於斯徒深湮沒不彰之感焉今幸

聖化翔洽蔚為人文彬彬之盛厚有望於來茲矣志人物

名宦

明

葛大紀

兵備道陝西慶陽人普惠宣威士民畏愛

趙 崑

協鎮陝西人征叛有功後總督宣大

申朝紀

總督宣大

崔 鏞

兵備道陝西人

張萬春

滿洲西路同知

相有度

兵備道山東人

董一奎

協鎮宣府人從祀文廟遇邊寇屬堡親冒矢石斬獲甚衆
敵方解去

劉大夏

華容人倣儻有大畧持正不撓弘治十年戎騎寇大同一
帶地方行師乏糧大夏以戶部侍郎經畫之或曰北邊糧
草半屬京貴子弟公此行恐以剛直取禍大夏曰處天下
事以理不以勢定天下事在近不在遠既至召邊上父老
曰講究其要領二日揭榜通衢云某倉缺糧若干石每石給官
銀若干凡境內官員客商願輸者米十石以上草自百束以
上者聽即京貴子弟不禁也不兩月倉場有餘積私家有餘
財邊事賴之後為兵部尚書謚忠宣
蒲州人為右都御史隆慶四年總督宣大時馬市雖開而趙
全等勾引入寇叛服不常崇古至練卒守禦防範維謹會俺
答孫把漢那吉來降崇古留之因而為市使縛送趙全等八
人以獻送還那吉俺答貢名馬納欵五十年邊境又安皆崇
古之功也晉兵部尚書蔭一子

朱士毅

大清初西路同知係遼東人康熙十八九年歲飢有善政事實
失考從祀文廟

左雲縣志

卷二

三三

鄉賢

漢

裴遵

雲中人為燉煌太守光武既得河西四郡召見郡邑吏以遵為賢
從征蜀帝既還命遵率偏師從大司馬吳漢封公孫述定蜀地有
功曾孫曄為遼東將軍遷聞喜

晉

秦秀

新興郡雲中人父朗魏驍騎將軍秀少敦學行以忠直知名
咸甯中為博士何曾卒下禮官議謚秀曾為世族之亂而姿
性驕奢不循軌則宜謚繆醜時雖不用秀議而聞者懼焉秀
素輕鄙賈充充卒秀議曰充舍宗族而以異為後春秋書莒
人滅鄆聖人豈不知外孫親耶但以義推之則秦氏族耳充
以外孫為後絕父祖之血食開朝廷之禍門謚曰昏亂紀度曰荒
請謚荒公不從王濬有平吳之勲而為王渾所譖帝以濬為輔
國將軍秀上言為四海失望時論直之後與劉暉等同議齊王
攸事忤旨除名尋復起為博士秀性倖直與物多忤為博士前
後三十年卒於官

魯勝

雲西人少有才智元康初遷建康令望氣知天下將亂多事引退再辟皆不就著作為世所稱

南北朝

周畿

少善射以軍功封交趾侯

魏

于什門

雲西人魏明元時使諭馮跋被拘二十四年後馮弘上表稱臣送歸官拜侍御史太武時比之蘇武云

朱長生

雲西人魏孝文時為員外散騎常侍與同郡于提俱使高車其王羅兵脅之降長生于提不屈拘三年始還拜河內太守

五代

史彥超

雲西人仕後周為都指揮以功拜威德將軍節都使後戰歿贈為太師

宋

邊貫

雲西人中狀元從祀 聖廟子三人長元勳登進士次元鼎元恕並知名

左雲縣志

卷二

三三三

蔡國偉

授陝西神木知縣從祀

李漢超

雲西人任周為殿前都虞侯宋初為齊州防禦使在郡有善政吏民愛之太宗時遷應州觀察善撫士卒歿之日軍中殞涕贈太尉

張升

雲西人為絳州錄事趙偉反時謂識者曰吾誼不能從言訖赴水而死

畢士安

雲西人乾德中進士初知潞州以嚴正見稱累官同平章事真宗時與寇準同決策北伐契丹于澶淵生平以名節自勵天下稱其清卒贈太傅謚文簡子世長慶長皆仕于時世長以司農卿致仕預睢陽五老曾孫仲衍仲游仲愈並著時名而仲愈尤工于詩從祀

康元弼

雲川人登正隆初進士有治才大甯間河決曹濮人溺死元弼相地改城于北原曹人賴焉官至尚書

元

吳明

累官國子監助教嘗獻定本萬言策行于世從祀

明

李巖夫

雲川人初業儒通書算授和甯路學正著經筵講藁四十九卷從祀

趙世延

雲川人究心儒學世祖時為監察御史劾丞相桑哥後累遷翰林學士加奎章閣大學士中書平章政事纂修經世大典封魯國公別歷省臺五十餘年卒謚文忠從祀

杜唐卿

曾為浙江省參政德學高古從祀

陳宗堯

左衛人嘉靖丁巳年父陳定妻祁氏被外兵搶擄八月餘知定死虜地宗堯乘空化屍還葬撫安上其事欽賜賞賚以旌之

邵定

左衛人任三關遊擊會戎騎大舉入寇定領兵截殺日暮入草梁山堡被圍四日水絕食盡冒刃而死

廖寶

明洪武功臣德慶侯永忠公曾孫永樂十二年捐銀八百兩疏通河漕於西門外行人賴之遂錫名為廖家河

國朝

李承爵

左衛人任總兵順治六年姜逆之變副將林世昌從逆逼之自縊死

左雲縣志

卷二

二二三

王士巖

左衛商人登高罵林逆投火死

郝道貴

左衛人天性淳良父早亡母雖改適終身奉事不衰順治己丑兵燹道貴年甫十八逆氛初息城舍邱墟漸有歸者皆競尋財物道貴獨認叔伯父母屍骸親負至墳一一埋葬姨母張氏避亂失所不憚千里之外跟尋哀號沿膝誠意所感得放歸里事之如生母焉鄉人稱之子世藩國學生

李世龍

字興雲左衛人明嘉靖大同靖難總兵名將瑾之後浙江湖協把總於康熙十三年隨

和碩康親王征剿耿逆屢建功勳賜蟒袍一襲加都督同知於康熙二十年浙江金華營遊擊任內復

覃恩貤封三代

王繼孝

左衛人少孤子無倚賴祖母撫育及長以例貢授陝西慶陽府通判甫二歲以清勤蒙三院會獎聞祖母疾掛冠歸里

忠節

明

周尚文

西安衛人嘉靖年間總兵大同善撫士卒總督翟鵬欲築長塹於各堡尚文率師踰月而就北敵入寇即禦却之總督翁萬達議築長城三百餘里遣家丁千餘騎伏左衛彌陀山伺之遇戎騎數千搏戰矢盡登山而守一夕五告急尚文率師赴之却敵解圍特進太保

曹文詔

大同左衛人右玉籍生有異兆恢豁大度初從經畧熊廷弼以戰功顯己巳入援以功授副總兵補延綏東路提兵援晉復河曲剿滅王家印點燈子等賊陞臨洮總兵官平可天飛鉞角城復抵晉剿柴金梁老獬狍邢紅乙亥同孫守法擊高應祥張獻忠於盩厔山下擒高應祥獻俘京師張獻忠遁入蜀抵豫解睢州之圍回秦解商州之困以插部窺大同調守大鎮文詔三平晉亂出奇致勝有古名將風後援秦以孤軍遇賊於真甯和尚原力戰而沒請題

旌表賜祭葬立祠於左雲之南街建坊曰精忠

左雲縣志

卷一

三四

張文煥

洪武間為白羊鎮巡檢戎騎入寇文煥率弓兵二百餘人搏戰中流矢死其妻聞之亦死有子尚幼不能自存 詔以父俸給之

李瑾

大同左衛人性孝友勇而有謀嘉靖初為左衛中路叅將以邊功陞大同總兵精練士卒屢戰有功於追寇失期烽堠失警者不少寬假故兵多恨之時又好亂廢總兵朱振因扇誘叛卒王福勝等夜攻瑾巡撫潘倣懼不敢救瑾親格鬪力竭解胄抽佩刀而而言曰吾為大將義不可死亂賊之手遂自刎

國朝

蒯漢基

高山人由武生効用任殘虎堡把總嘉慶二年奉調征剿川湖流寇著有戰功於五年陣亡自六年夏由營中撥兵丁送櫬回里其家啟棺視之面色如生

張文魁

左衛兵丁咸豐三年奉派出征調赴垣曲防堵八月初一日派該兵在垣曲看守軍械賊匪入城令其歸降文魁堅強不屈格殺殞命

邊瑞昌

助馬人咸豐十一年平魯營外委出師甘肅花馬池攻剿黃河兩岸陣斬偽王偽帥英勇無敵殺賊身受重戕力竭陣亡奏獎雲騎尉世職襲次完時以恩騎尉世襲罔替

孝義

明

張佩

本衛人監生品行端方學問淵博丁內外憂廬墓終制北虜入寇至墓側許久俱疑其懼害虜去視之誦聲不輟人以為誠孝所感

丁山

廩生為人愿慤謹默不事外飾丁父憂寢苦枕塊不茹葷酒事母孝養備至母未嘗啖者不敢入口鄉黨稱之

虞宜

本衛人庠生為人剛方嚴正目擊時事仗義敢言以忤豪權飲恨而死

梁玉棟

本衛人庠生為人樂善不倦捐地二十五畝為義塚又捐雨安庄地以十頃入城西門外修橋二十頃為

左雲縣志

卷一

三五

為馬到頭南黃家店修河墊路之費周窮濟困鄉人德之

廖夢科

為人好善常施藥濟人又捐己地為義塚監司旌之

李麒生

邑庠生振宗之父為人生平友愛然諾不欺父沒兩弟俱幼竭力撫成貢生王勤民乏嗣臨沒託其妻即周恤終老郝憲之無依撫養成立凡事好義輕財終身不衰臨終時鼻液雙垂白如珠長竟尺鄉人異之上於有司

旨賜旌崇祀

請節義祠

錢琮

為人樂善好施平生喜修橋梁道路雲崗吳家窑古道盤石險隘多出己力開修至今行者利焉

李興洙

邑增生字魯瞻麒生之孫廩生楨衡之父家傳孝友世篤醕謹叔祖鳳生無嗣奉養終老年登九十沒後喪葬如禮有燕某者為表親雖有子不能養給亦於家食養終老事繼母奉寡嫂糜不周至撫弟姪待宗族亦以誠意

國朝

夏步雲

本邑人品行端正事親至孝年二十歲失怙家道貧寒母氏六十餘忽有腿疾朝夕親手洗瘡敷藥不辭臭穢手足不能行動必須親喂數年疾愈奉養三十餘年不倦年九十歲病故迨至己身五十五歲失偶誓不再嫁守鰥二十年壽八十歲無疾而終後公舉耆老

孫永慶

邑高山人議叙九品年五十三歲父去世奉養繼母撫育幼弟孝友兼至族黨稱謂無間母弟名玉衡現為廩生

周文煥

邑武生孝友孺慕母劉氏寢疾八年煥親侍飲食手除糞穢終養不倦兄文蔚有疾煥晝為調理夜跪北斗前祈禱期年兄病愈里有親喪貧不能葬者竭力助之所教生徒不孝者加意訓誨不遵者擯斥門外年八十三歲而卒

董萬全

邑恩貢生孝友任卹兄萬善早逝孀嫂李氏寡而無依全率妻雷氏奉養四十餘年敬之如親胞弟萬成早逝妻翟氏守義不嫁外親王魏氏夫亡子幼家貧無資又妾常氏有戚張李氏中年夫亡貧而無子全俱留養之月

左雲縣志

卷一

二六

給薪米鄉里稱其仁厚

張 涇

本邑人從九品自幼家寒讀書三年十三歲棄儒就商長能博通書籍字法蒼老事父最孝父君選業醫濟世活人為心不屑謀利幼失怙奉繼母更孝子致和由廩貢舉孝廉方正人以為孝子之報

閻士津

本邑人出外貿易事母最孝晚年無子其母嘗曰天道有知終不令五兒絕嗣年近六旬果舉一子迄今孫亦五六人矣家頗為殷實人皆曰此津之孝所感焉

尹爾昌

邑武生後舉鄉飲介賓三歲失怙賴母氏苦節撫養成人及長奉侍孀母克盡子道為母請

旨建坊旌表入祠子紹業現為廩貢生孫克忠入泮

陳有孝

自幼家寒義學讀書三載即到右玉習商早失怙事母甚孝母患乳岩危疾竭力延醫調治後自煉升靈藥敷之不痛母病將養七年而卒因母苦節而請

旌表焉

尹紹業

左雲廩貢生事母以孝聞待兄弟亦友愛光緒三年歲大饑弟兄析居紹業盡以其美產歸之弟而自奉母氏

以居食指浩繁不能給事畜則以教讀補其不足分家
年餘兄弟翕然無間言鄉里無知其析居者署知縣
余令採訪得其實登於冊以風世焉

廖秩典

前明世襲伯爵廖寶字國瑞之後其先人在永樂年以
坐方孝孺事失爵遂徙居左衛適值西門外河水漲溢
國瑞公有捐貲疏河衛城救民之功已載於前秩典其
裔孫也性最孝慈家道清貧棄孺學賈歸家嚴肅訓子無
要事謝足不行手抄書卷滿篋於道光丙寅丁酉之歲
饑饉相望將先父所遺文約帳目附之焚如沒齒常甘
沒後義學教讀蘭炳章拜
撰芳行傳有文人學士莫之或行等語

常培賢

左雲人光緒三年歲大饑賢及弟五人互相贍顧後以米
珠薪桂無度生計既不愿告借於鄉鄰又恐以食指累兄
弟遂偕妻項氏閉門飲藥死可稱守死善道矣邑人聞之
無不嗟呀

節烈

明

左雲縣志

卷二

二七

楊氏

指揮范安妻安死自縊於柩側 旌表立坊

蔡氏

劉璽妻夫亡哀痛不食數日縊於室

范氏

祁信妻夫早逝孀居事姑盡孝鄉人贈節孝詩最多

畢氏

指揮李英妻夫死守節四十年無事不逾中門 題
請旌表

黃氏

軍人何志高妻夫死自縊殉事聞 旌表

劉氏

指揮張璽妻夫亡年二十二歲守節三十二年事聞
旌表

張氏

生員虞宜妻宜正直忤當路死氏貧守三十年鄉評
稱為義夫節婦

郭氏

樊端妻端死自縊事聞 旌表

宋氏

張太倉妻夫病患瘡貧甚氏鬻女工事夫三年無倦容夫
歿姑欲奪其志氏佯許晚縊於室叅議胡公題請

旌表

盧氏

張鉞妻鉞歿氏年二十九歲無子孀居苦節至老旌表

張氏

吏目王昂妻昂死苦節守孤三院旌表

王氏

張大用妻夫亡氏年十七歲守節四十五年不易

李氏

韓武妻夫亡遺子甫三月孀居五十餘年

邱氏

指揮王耀武妻夫亡誓以死殉母百計以勸卒不可奪尋自縊三院旌表

潘氏

千戶陳君寵妻夫亡氏年二十二歲有娠六月生遺腹子苦節存孤三院旌表

周氏

李季春妻夫亡氏年二十九歲甘貧守節訓子成名巡撫旌表

鄭氏

監生王宗伊妻年二旬夫亡無子甘心守節死御史湯題請賜坊旌表

許氏

陳宇妻年二十七歲孀居遺子尚幼甘貧守節

丁氏

庠生張嘉言妻年二十九歲孀居遺子三歲垂淚撫養貧甚教子成名撫案旌表

左雲縣志

卷二

三八

國朝

潘氏

李福妻夫亡氏年二十二歲孀居無子苦節三十餘年衛守府給匾以旌之

王氏

趙君顯妻夫亡氏年二十一守節撫孤四十餘歲子紘念母苦節以本身州同銜捐封安人

穆氏

劉鴻業妻庠生宗僖之母夫亡宗僖生始四月矢志撫孤甘貧守節教子成名鄉黨誦之

蔡氏

何鍾秀妻夫亡氏年二十食貧守節善事翁姑年俱九十餘歲鄉人咸傳述其婦德焉

張氏

李見龍妻夫亡氏年二十五立志撫孤克守貧寒終養舅姑無愧婦道

梁氏

馬世安妻夫亡氏年十九善事舅姑終老撫孤子子亡撫孤孫孫亡復撫其曾孫成立苦歷五十餘年有

特旌其閭

趙氏

吳承印妻夫亡撫遺腹子成立歷三十餘年人以為無愧節婦云

夏氏

曹稷妻即總兵文詔之後裔夫亡無子勵志守節有司題請旌表即建坊於精忠祠之前

章氏

張秉智之妻夫亡撫孤守節三十餘年合例請旌建坊

李氏

生員許繼昌之母夫亡遺子甫三歲矢志撫孤以承先嗣合例請旌給匾後其孫媳呂氏不忍祖姑子處亦矢志以守從一而終之義

謝氏

曹光岐妻自幼克守婦道夫亡撫二子成立守節三十年請旌建坊

徐氏

庠生關大綸妻夫亡無子勵志守節苦歷三十餘年旌表建坊

康氏

王鳳祥妻職員王建勳母夫亡撫孤食貧自矢卒能訓子成名獲有厚福守節合例請旌建坊

馮氏

王子璽之母夫亡氏年二十二撫孤成立其子念母苦節上之有司題旌建表

穆氏

庠生錢孝之母矢志守節撫孤成名合例請旌給匾

劉氏

城南六里台常榮之妻因土棍王三强行姦淫誓不苟活自縊身死鳴之有司即將王三訊明擬絞鄉人稱快特

勅建坊旌表

張氏

劉秉憲妻夫亡矢志撫孤以延先嗣子亡復撫孤孫成立使劉氏綿延不絕者皆氏之力也苦節五十餘歲從一而

左雲縣志

卷一

三九

終其孫光乾曾以貞行苦節上之儒學續特給匾以旌之

王氏

劉永安妻自幼端重年十七適劉彌月後其夫即患癩病垂床十數年氏事奉孀姑調養病夫毫無怨言

後姑卒夫亡人咸謂曰汝於婦職亦已盡矣曷他適諸氏曰吾儒家之女名門之婦義當從一遂守節也

及合例姪孫醫學純德為請旌以胥吏留難不果遂贊志以終

彭氏

苗子成家貧甚子成傭於口外數年暴病身死時氏年二十八歲無子其家即誘之改適以圖身

價氏佯應之曰若為扶櫬喪葬畢即如命後靈柩歸里哭臨五日晚間回室自縊而死此烈中節也以貧不能請旌特表而志之

侯氏

破魯堡之民人郭永年之妻年十六歲適夫二十二歲夫故無子兄萬年之子生甫三日承嗣氏視如生子

撫育成立奉養瘋姑孝心誠摯始終不渝嘉慶二十五年氏故没年六十歲計守節三十八年

蕭氏

成憲貴之妻二十八歲夫故氏念翁姑無人奉事遺孤二歲零丁無倚遂堅志守節嘉慶二十一年旌表

邢氏

劉漢宗之妻夫故時氏年十七歲飲冰如蘖窮愁萬狀善事衰姑曲意承志日惟操作女工以養老恤幼為任姑疾嘗藥除穢備極勞苦數日不能安枕一時有孝婦之稱子入邑庠氏年五十一歲而卒嘉慶二十四年 旌表

要氏

張起福之妻夫故氏年二十五歲繼夫殉節而亡嘉慶二十一年 旌表

龐氏

曹秉仁之妻夫故欲殉夫完節復念翁缺待不忍幼子義方教訓苦節三十九載賢孝聞於鄉里道光元年 旌表

張氏

成憲良之妻夫故氏年二十一歲翁姑年逾六旬氏又無子矢志守節繼堂姪大雅為子仰事俯育艱辛備嘗越十餘年翁姑繼逝大雅亦亡遺孫宗灝甫及二週氏獨力支持四十七載年至六十八歲而卒道光十二年 旌表

古氏

魏高德之妻十五歲于歸夫故氏年二十三歲家道貧寒上奉翁姑而殯葬下撫孤子以成立年六十二歲而卒道光十七年 旌表

左雲縣志

卷一

四十

歲而卒道光十七年

旌表

李氏

邑庠生尹起莘之妻十七歲適夫二十三歲夫故矢志堅貞孝養翁姑終養撫子爾昌入泮道光二十一年氏故没年六十三歲計守節四十年二十三年奉旨旌表建坊入祠

劉氏

喬廣福之妻夫故氏年二十六歲翁姑年老性嚴承奉得其懽欣奉親肥甘自貢粗糲親沒殯葬盡禮子亦成立鄉里稱其賢孝卒年七十一歲道光二十八年 旌表

李氏

闔呈祥之妻夫故年二十三歲克守閨訓貧無愠色侍奉翁姑頃刻不懈撫育遺孤教訓有方苦節四十九載養生送死賢孝聞於鄉里道光二十九年 旌表

張氏

任天佑之妻年十五歲適夫二十九歲夫故子甫三年七十二歲計守節四十三年

賈氏

侯廷喜妻夫故年十九歲而没計守節一週氏堅貞矢志撫子成立年二十九歲而没計守節一週氏堅貞矢志撫

彭氏

附生郭熙啟妻年十八歲適夫三十五歲夫故與劉氏同心協力孝姑育嬰勵節守貞咸豐九年氏故沒

李氏

邑武生董萬有之妻年十七歲適夫二十八年無疾而故矢志堅貞艱苦備嘗撫子成立咸豐十一年無疾而終沒年八十五歲

徐氏

邑附生李青之妻夫故年二十七歲賦性溫雅敬戒無違善事翁姑承顏順志年少無子過繼夫兄之子承祧撫育有方以捨身殉夫為小節以親親撫子為大體守節十餘年而卒同治元年旌表

劉氏

王錫壽之妻夫故年上祖母克盡孝道撫育幼子堅守不二守節二十年同治五年旌表

趙氏

廖鼎和之妻夫故年二十歲藜藿自甘栢舟矢志撫孤成立苦節彌堅守節三十六歲藜藿自甘栢舟矢志

馬氏

廖逢典之妻夫故年二十八歲衰毀骨立誓死糜他事姑克孝訓子有方壽七十八歲卒同治五年旌表

任氏

馮綜武之妻早年二十于歸夫故氏二十九歲天性純孝因翁姑早年死亡每自痛恨至春秋省墓必偕子親

左雲縣志

卷一

四一

廖氏

臨慟哭翁姑及夫哀哀不已誓志守節凜若冰霜視前妻子如己出守節三十八年同治四年旌表

耿氏

錢寶珠之妻夫亡勵志守節永無二心奉養翁姑以承嘗曰代夫養親若稍有不盡則有愧於天也有一子服賈於外同治四年旌表

張氏

崔延齡之妻十八歲適夫二十七歲夫故孝翁姑順從夫志始撫孤子繼育幼孫持家勤儉立志堅貞子先辭世孫舉孝廉苦心孤詣始終如一現年八十

宋氏

邑庠生馮履觀之妻十七歲適夫三十歲夫故奉姑至孝訓子有方觀之故撫孫苦節自持終身不變壽七

劉氏

賈學曾之妻夫故年二十九歲夫生之時事姑至孝夫故之後撫子故有方年艱苦備嘗苦節生可貞守節三

三十八年同治四年 旌表

王氏

閻植之妻十六歲適夫三十歲夫故氏本淑慎以持身奉翁姑以歸瑩撫孤兒而立室育幼孫以成人壽七十四歲守節四十四年同治四年 旌表

蔡氏

喬伸之妻夫故氏年二十九歲奉翁姑撫幼子孝慈聞於鄉里貞操歷久益彰氏年六十九歲守節四十年同治四年 旌表

周氏

崔日盛之妻氏年十六歲適夫二十五歲夫故奉舅姑問視起居竭誠敬慎撫孤子訓以義方苦節貞操鄉黨敬禮氏年七十歲守節四十四年同治四年 旌表

米氏

邑優貢生倪鉞之妻十七歲于歸二十六歲夫故家貧寡勤女工以糊口奉姑鞠子備歷艱辛氏年五十歲守節三十三年同治四年 旌表

任氏

鄧文玉之妻十四歲適夫二十九歲夫故奉翁姑撫孤子孝慈兼盡現年六十九歲守節三十九年同治

左雲縣志

卷一

四二

四年 旌表

汪氏

張志仁之妻十四歲適夫二十八歲夫故奉養翁姑以孝聞年五十四歲守節二十七歲同治四年旌表

裴氏

廩生劉金臺之妻十七歲適夫二十八歲夫故孝事翁姑撫孤成立長子名文運食廩餼年七十二歲守節四十六年同治四年 旌表

王氏

杜懷德之妻十四歲適夫三十歲夫故氏以女紅奉翁撫幼子孝慈兼盡年六十七歲守節三十八年同治四年 旌表

梁氏

李連方之妻二十歲適夫二十九歲夫故撫孤子成立子故育孫堅貞不二年六十二歲守節三十四年同治四年 旌表

王氏

張開基之妻二十歲適夫二十九歲夫故家寒孝親撫嗣子如己出年五十七歲守節二十九年同治四年 旌表

張氏

任天佑之妻十五歲適夫二十九歲夫故艱苦備嘗撫孤成立年七十二歲守節四十三年同治四年 旌表

劉氏

田發之妻十七歲適夫二十九歲夫故誓甘藜藿撫孤成立歿年七十二歲守節四十四年同治四年旌表

吳氏

李坦之妻十八歲適夫二十二歲夫故姑患癱症善事終養家貧撫子艱苦備嘗歿年七十歲守節四十四年同治四年旌表

許氏

毛集璽之妻十五歲適夫三十歲夫故孝奉翁姑撫子成立尤善事本生父母歿年六十九歲守節三十三年同治四年旌表

王氏

童生宋模之妻十七歲適夫二十八歲夫故翁姑早逝每祀以身未親奉為憾撫前子無異生子孫名鏞入泮歿年七十六歲守節四十八年同治四年旌表

賈氏

孔照述之妻十七歲適夫二十六歲夫故孝順翁姑如事父母及翁姑病故哀慟至於毀形氏無嗣以夫兄之子承祧撫養亦極慈惠歿年六十三歲守節三十七年同治四年旌表

左雲縣志

卷一

四三

邢氏

迷進財之妻十九歲適夫三十歲夫故奉養舅姑孝敬無違教育孤子辛苦歷盡歿年八十歲守節五十年同治四年旌表

連氏

米倫之妻十八歲適夫二十九歲夫故事姑撫幼辛苦萬狀志貞孝慈節烈霜雪歿年八十三歲守節五十五年同治四年旌表

余氏

岳國璧之妻十八歲適夫二十九歲夫故奉翁姑克孝撫幼子甚慈歿年八十一歲守節五十三年同治四年旌表

范氏

增生倪榛之妻十九歲適夫二十六歲夫故家貧無資曰以女紅度日事衰姑無怨言撫孤子而甚慈歿年五十七歲守節三十二年同治四年旌表

李氏

吕文炳之妻十八歲適夫二十九歲夫故環堵蕭然女工自給奉姑以孝撫子以慈歿年八十六歲守節五十八年同治四年旌表

李氏

許葆亭之妻十五歲適夫三十歲夫故親老子幼志糜他翁姑歿竭力殯葬孤子幼教養殷勤歿年七十五歲守節四十六年同治四年旌表

郭氏

賈恒泰之妻十七歲適夫二十九歲夫故事病姑孝敬不衰撫孤成立貿易他鄉歿年五十六歲守節二十七年同治四年旌表

劉氏

思貢生彭緒之妻夫亡氏年三十歲氏念夫故幾不欲生復思姑老子幼所賴何人遂竭力終養撫育以盡婦道歿年六十三歲守節三十四年同治四年旌表

高氏

生員彭鑑之妻夫亡氏年二十九歲孤子未成撫育不倦家貧無助誓不二夫歿年六十六歲守節三十八年同治四年旌表

郭氏

陳進言之妻十五歲適夫二十三歲夫故家道艱難一心守節歷久不二鄉里稱奇歿年五十三歲守節三十一年同治四年旌表

左雲縣志

卷一

四四

李氏

田雨之妻夫亡氏年三十歲苦身守節家資貧薄竭力撫孤始終如一一年八十一歲守節五十二年同治五年旌表

段氏

邑廩生宋樸之妻夫亡二十七歲侍奉翁姑撫養幼子廩生宋樸又撫曾孫俱各成立歿年八十七歲守節六十年

董氏

廖慶和之妻事孀姑無倦容姑逝無事不出中門鄰里族人皆稱克遵女訓夫故無嗣三日服毒死

李氏

彭松齡之妻十七歲適夫十八歲生子月餘夫故氏矢志堅貞奉繼姑以孝待兄嫂以敬謹慎勤勞撫子成立現年三十四歲守節十七年

郭氏

馮清士之妻夫亡二十六歲撫孤子映辰一十四歲入泮事翁姑至孝今皆八十餘歲體尚康強氏現年四十五歲守節一十九年

張氏

楊福之妻三十歲夫故家業赤貧撫子成立終無異志現年六十八歲守節三十八年

李氏

張文魁之妻十八歲適夫三十歲夫故家資缺乏用維艱堅貞勵志撫子成立現年七十二歲計守節四十二年

王氏

侯邦鐸之妻年十六歲適夫三十歲夫故家計艱苦毫無異心立志守貞撫子成立現年七十七歲守節四十七年

桑氏

盧世光之妻十七歲適夫三十二歲夫故子幼家貧晝夜勤勞女工撫子度日迄今子皆成立氏現年七十五歲守節四十三年

杜氏

要君良之妻十六歲適夫二十八歲夫故家無一粒氏冬秋勤勞女工春夏傭工度日撫子成立現年五十九歲守節三十一年

王氏

常錦春之妻十六歲適夫二十九歲夫故遺子甫週歲氏孝奉翁姑無異夫在堅貞勵志撫子成立現年六十二歲守節三十三年

左雲縣志

卷一

四五

楊氏

邑庠生郭鞏之妻得勝堡把總楊發枝之女二十三歲夫故矢志堅貞撫子成立年六十九歲而卒

霍氏

大同縣進士霍宗光孫女附生郭繩武之妻年十六歲適夫三十歲夫故撫孤子丕承教養有方十六歲入泮勵節堅貞備嘗甘苦光緒四年夏故没年四十二歲

劉氏

直隸冀州人嘉慶甲戌進士大同山陰籍世居縣北助馬堡郭恒辰之妾年十九歲適夫二十二歲夫故矢志守貞誓不他適子熙啟孫繩武俱沒撫曾孫丕承訓養不怠孫婦沒後氏持守門戶艱苦儉勤撫育曾

孫彌切周至此苦節所希聞而妾之中更罕觀也現年五十六歲計守節三十四年光緒四年大同院試蒙學憲批示會御請題旌表

施氏

邑附生邊巨之妻年十六歲適夫二十五歲夫故誓志守貞精勤儉樸撫子成立光緒四年故没年六十三歲

成氏

邑附生李檀之妻年十七歲適夫三十歲夫故勤儉持家堅貞撫子光緒五年氏故没年六十五歲

李氏

助馬堡營兵趙國棟之妻年十七適夫二十七夫
故廢寢事姑忍饑哺子苦甘備歷年四十七歲子炳

米氏

邑武生孫致中之繼妻年十七歲夫適夫前妻遺子
名永慶慈愛備至二十八歲夫故氏生子名玉衡矢
志守貞撫前子與己子無殊現今俱成立玉衡入學
補廩氏年六十歲身尚康強

張氏

高山人崔惠之妻年十八歲適夫二十九歲夫故
勵志堅貞撫子成立現年六十三歲
高山人廉財之妻年十九歲適夫二十八歲夫故家
業維艱堅貞撫子至成立現年六十七歲

李氏

業維艱堅貞撫子至成立現年六十七歲
民人陳宗孟之妻年二十一歲適夫二十九歲夫故家
業艱苦矢志堅貞撫子成立現年四十九歲

鄧氏

業艱苦矢志堅貞撫子成立現年四十九歲
邑民人郭生泰之妻年十九歲適夫二十三歲夫故氏
痛夫夭壽又念己無遺腹雖上有老姑而夫有長兄
奉養服事姑自無他虞氏思己如生守節操必常貽
姑兄憂慮遂立志無他虞氏思己如生守節操必常貽
烈性成殉夫全義鄉黨因樂為表彰焉

左雲縣志

卷一

張氏

民人趙輔之妻年十七歲適夫十九歲夫故遺腹生
子矢志守貞奉姑終養撫子成立現年五十歲

趙氏

邑民人康進福妻十六歲適夫二十九歲夫故家業
赤貧堅貞矢志奉姑終養撫子成立現年七十歲
郡庠生祁治典之妻十七歲適夫三十歲夫故奉姑
撫孤一秉堅貞今姑猶在堂而氏已見三孫矣現年
五十一歲

王氏

邑人連助之妻二十九歲夫病故守節撫孤子孫成立
至七十歲壽終

謝氏

邑庠生宋培之妻年十七歲適夫二十八歲夫故氏
上奉雙親終養下撫二子成立今已見四孫矣現年
五十三歲

毛氏

邑庠生謝銘之妻十六歲適夫二十七歲夫故無孤
守節艱苦備嘗壽九十三歲而終
邑民郭憶之妻于歸後年雖幼小而善事翁姑更有
人所難為者其本夫之祖父年近八旬身得癱症氏
晝夜伏事進飲除糞尿至絕無愠色

秦氏

晝夜伏事進飲除糞尿至絕無愠色

韓氏

邑人宋永泰妻十六歲適夫三十歲夫故勵志守節

劉氏

邑人王士英之妻十七歲適夫三十歲夫故上事翁姑下撫幼子子亡撫孫孀居二十餘年貞操如一日焉

王氏

邑人夏文通妻年二十三歲夫亡食貧守節奉養翁姑撫育子姪翁姑病終喪葬盡禮子姪今己成立氏現年五十一歲

楊氏

蘭煜章之妻夫亡氏年三十二歲子方八歲立志守節侍奉翁姑教養幼子四十餘載年七十六而卒請於有司給匾以旌其節

蘭氏

賈學閔之妻三十歲而夫亡矢志不嫁苦無養瞻為人執炊爨鬻鬻女紅得傭貲以撫幼子子長為之娶婦俾立室家今氏已七十餘歲矣尚康強不衰

姚氏

邢福元之妻夫故氏年八十五歲矢志堅貞守節不

左雲縣志

卷一

四七

九年

胡氏

馬榮之妻夫故二十九歲遺孤子尚幼撫養成立身列鬻門操守不二苦節可風年七十一歲故守節四十二年

楊氏

邢福喜之妻夫故三十三歲食貧守節善事翁姑現年七十五歲

楊氏

韓紹榮妻十五歲適夫二十五歲夫故家艱難以女工守貞撫子成立光緒元年氏歿年四十八歲守節二十三年

鄧氏

邑庠生李榮之妻二十歲夫故撫子成立現年五十八歲守節三十八年

曹氏

議叙張秀之妻二十七歲夫故撫子成立光緒五年氏歿年六十一歲

張氏

彭述先之妻十八歲適夫二十六歲夫故翁姑早亡家業艱難撫孤子成立五十七歲病故守節三十一

年

張氏

破子魯堡成立光緒六年存年十六歲適夫二十九歲夫故撫子成立光緒六年存年十五歲適夫二十五歲夫故撫

李氏

石牆距王成之妻年十五歲適夫二十五歲夫故撫子成立光緒六年存年十五歲適夫二十五歲夫故撫

賈氏

破魯堡侯廷喜之妻年十六歲適夫二十八歲夫故撫道維艱備嘗甘苦撫孤子成立同治九年歿年二十九歲計守節十一年

邊氏

高石崖趙名邦之妻年十七歲適夫二十一歲夫故撫子成立光緒六年存年十七歲適夫二十一歲夫故撫

王氏

破魯堡庠生郭理之妻年十七歲適夫二十一歲夫故撫子成立光緒六年存年十七歲適夫二十一歲夫故撫

曹氏

家計艱難撫子成立光緒三年歿年五十五歲計守節二十五

左雲縣志

卷一

四八

馬氏

邑人高攀桂之妻十六歲適夫二十四歲夫故撫子成立現年六十二歲計守節三十八年

段氏

邑人李培忠之妻十六歲適夫二十六歲夫故撫子成立現年六十五歲計守節三十六年

辛氏

年故計守節二十九

王氏

邑人曹永祿之妻十六歲適夫二十六歲夫故矢志守孀撫孤成立計守節四十六年

李氏

邑人張厥之妻十八歲適夫三十六歲夫故守節艱苦撫孤成立現年七十九歲計守節三十三年

宋氏

邑人徐增曜之妻十六歲適夫二十九歲夫故家計赤貧艱貞守志光緒五年歿年五十八歲

李氏

邑人連禮之妻年十五歲適夫二十五歲夫故家計赤貧撫子成立氏歿年七十二歲

選舉志

虞朝有咨采之典周家有賓興之文歷代以來選舉尚已自漢

而晉立九品中正猶得材能之選至隋設科目所試者惟詞章而選賢舉能之意又沓乎莫追矣邑屬邊鄙武功最盛而文職次之迄今沐浴

聖化甲科間出殆文風與世運為轉移乎次及鄉貢監吏亦有登仕版著聲稱者又節錄之以附於其後志選舉

科目

明

進士

張琳

成化辛丑科歷任
僉事大理寺評事

張廷珍

成化丁未科

方銓

成化壬辰科任戶部
主事河南叅議

國朝

左雲縣志

卷二

四九

進士

裴紹宗

順治乙未科
任貴州知府

馬建奇

雍正癸丑科歷
任車駕司郎中

藺懷璣

乾隆癸未科任
蒲州府教授

馬文灝

乾隆壬辰科

馬道澍

乾隆壬辰科

明

舉人

蕭琮

景泰癸酉科任教諭

侯傑

景泰癸酉科任
訓導

虞甯

景泰丙子科任
訓導

劉俊

景泰丙子科任教諭

蕭漢

成化丙子科任
知縣

方宜規

宏治乙卯科任
知縣

王禮

正德癸酉科任知縣

霍效元

萬曆辛卯科任知縣

國朝

舉人

常懷仁

乾隆丙辰科任
襄陵教諭

馬登雲

乾隆壬子科

李正華

乾隆壬子科

常 鈺

乾隆庚辰科任
襄垣訓導

趙盲吉

乾隆己酉科

王文名

嘉慶甲子科

常志樸

嘉慶庚午科

侯 凱

嘉慶庚午科

丁掄元

嘉慶丙子科

席 儒

同治甲子科

崔世英

同治癸酉科

明

恩貢

葛 紀

嘉靖丙申貢歷任兩淮
鹽運使進級奉議大夫

國朝

恩貢

周 知

順治五年恩

馮 焜

順治九年恩任
浙江崇德縣知縣

周道昇

康熙十五年恩

左雲縣志

卷二

五十

任國鈞

康熙四十七年恩

韓 鎮

雍正元年 恩

藺兆來

道光二十六年恩

常炳恒

錢寶瑛

韓紹寬

咸豐十年恩

藺炳章

同治二年恩

李王麟

光緒四年恩

李 槐

拔貢

張毓秀

順治二年拔任福建
承樂縣知縣

王 政

同治九年拔

張遴秀

順治十一年拔任
蘇州烏江縣丞

王 佩

康熙元年拔任惠州
府歸縣縣丞

馮明德

康熙三十六年拔

梁緒蜚

雍正元年拔

常懷仁

雍正七年拔

趙化澂

乾隆五十四年拔

梁 嶧

王文名

嘉慶六年拔

郭 完

嘉慶十八年拔

丁啟元

道光五年拔

成宗啟

道光十六年拔

陳文炳

道光二十九年拔

龐志誠

咸豐十一年拔

李培園

同治十二年拔

明

歲貢

金鏞

任陝西平涼府知事

汪澄

任安樂縣丞

楊儒

任縣丞

宋瑄

任知縣

和傑

任安樂縣丞

石玟

任金台縣知縣

劉玉

任知縣

劉欽

任訓導

王冕

任金台縣知縣

邱俊

任知縣

張浩

任訓導

王宸

任鎮安縣縣丞

王鈇

任環州吏目

袁甯

任金鄉縣丞

馮璉

任東昌府同知

丁淮

任商曲縣丞

王欽

任金鄉縣丞

武旻

任醴泉訓導

張璘

任內縣主簿

王堂

任懷仁教諭

劉錫

任醴泉訓導

王琇

任彰德州訓導

趙宏

任臨清州判

趙傑

任河間知縣

左雲縣志

卷二

五一

喬嶽

任曲阜縣丞

王輔

任固安知縣

張佩

有孝行

曹秀

任臨縣主簿

虞相

任密雲縣主簿

張璽

任乾州吏目

劉世儒

任密雲縣主簿

林松

任密雲縣主簿

李潤

任乾州吏目

陳鳳

任主簿

王惠民

任懷慶府訓導

劉愷

任知縣

郝恭甫

任通川吏目

李漢

任代州理刑

馬麟

任主簿

王昂

任通川吏目

丁孝

任代州理刑

武崇德

任魯山知縣

孫承德

任訓導

辛斌

任主簿

馮所

任教諭

劉鏜

任縣丞

魏中華

任知縣

任宜廉

任遵化縣丞

郭元臣

任汜水縣丞

張孟學

任成都府通判

趙宗禮

任主簿

唐時雍

任主簿

林柟

任開平衛教諭

馮從學

任教諭

王國卿

任訓導

李翰音

任教諭

馬從龍

任太原府教諭

劉正

任訓導

張巒儒

任訓導

張嘉樂

任平利縣知縣

屈尚廉

任臨洮府通判

趙薰

任晉府教諭

張瀛儒

任通判

馮得甯

歷任太原訓導
嘉興縣知縣

劉一澄

任甯海州州同

劉光寵

任訓導

任鳳輝

任訓導

張嘉士

王之屏

任平定明學正

陳之楓

任山東縣丞

國朝

歲貢

李貢

任湖廣漢陽知縣

董元燮

任河南開封府通判

霍膺

任教諭

王振業

任東明縣知縣

王巽高

任訓導

張化麟

左雲縣志

卷二

五二

朱永祚

任訓導

葛命新

李攀龍

盧承業

任東昌府聊城縣
縣丞

張嘉吉

王士俊

王繼儒

徐籌

任訓導

王應奎

孔思孔

王勤民

趙哲膺

任中傑

劉建章

霍鵬

張光先

任岳陽訓導

彭松年

李桐楫

任汾西訓導

王允中

王公濯

盧承謨

任騰

王兑高

李斯馨

授五台訓導

閻璋

李大用

任大同訓導

梁朝棟

授沁州沁縣
訓導

孫光陰

葛延祚

郭緒昌

梁明棟

劉敬

丁承恩

閻紹緒

穆炯

王德新

任壺關訓導

梁緒宏

康濟

史宏綱

任太原訓導

趙紳

廖君簡

王振基

任興縣訓導

任壺關訓導

任虞鄉訓導

李文蔚

趙中復

祁敏

任孝義訓導

任汾西訓導

李祖膺

喬發榮

常汝寬

常汝穎

趙維

李治平

宋椿

宋楷

李指陞

廖達典

董萬全

李椿

周進德

施廣霖

呂實

左雲縣志

卷二

五三

李鑾坡

李紳

陳玉瓚

陳景星

魏高志

張惟孝

丁際昌

劉文明

孫琳

白煥采

席瑄

閻耀龍

馮信

藺耀章

李楨

趙永甯

馮清治

優貢

倪鉞

道光戊子科

廩貢

王錫齡

任徐溝教諭

李郁

任臨縣教諭

李儒林

任長蘆歸化場鹽大使

任廷選

趙贊

尹紹業

增貢

郭憲

曹旺

附貢

王士奇

盧呈彩

魏永靖

例貢

郭蔭汾

郝世臣

梁緒昭

明

武進士

張子鯨

嘉靖己未科歷任威遠參將靈邱副總兵

柴富

嘉靖壬戌科

柴如蘭

嘉靖乙丑科

孫繼武

嘉靖戊辰科任大同天城路參將

陳霞

萬曆甲戌科任陝西臨洮總兵

姚栢

萬曆庚辰科任威魯守備

左雲縣志

卷二

五四

張應武

萬曆丙戌科宣化府參將

陳國策

萬曆乙未科任大同左衛副總兵

郭應宿

萬曆辛丑科任石佛堡守備

姚大宰

萬曆丁未科任山陰守備

丁三鳳

萬曆癸丑科任破魯堡守備

錢萬選

萬曆癸酉科任都督僉事

明

武舉

蔡繼高

乾隆丁卯科任威魯堡守備

金大貴

隆慶庚午科

錢國勳

萬曆癸酉科誥贈光祿大夫太子少保

王志學

萬曆丙子科

劉復禮

萬曆乙卯科

張五倫

萬曆壬午科

李如蘭

萬曆乙酉科

馬大猷

萬曆壬午科

王大臣

萬曆辛卯科

鄭印

萬曆辛卯科任牛心守備

劉光洲

萬曆辛卯科

楊應鳳

萬曆甲午科

劉愷

萬曆丁酉科

梁中玉

萬曆庚子科

丁五鳳

萬曆庚子科

金蘭

萬曆辛酉科

周世官

萬曆癸卯科

李景光

萬曆癸卯科

王臣

萬曆癸卯科

王鳳

萬曆癸卯科

王希禹

萬曆壬子科任守備

姚文煥

萬曆戊午科

丁宏猷

萬曆辛酉科

李天貴

萬曆乙卯科

張鵬

萬曆辛酉科任守備

孫大鵬

天啟辛酉科任守備

劉光漢

天啟甲子科

張鵬

天啟甲子科

劉顯忠

天啟甲子科任守備加授遊擊

黃蕙

天啟丁卯科

郭紹儀

天啟丁卯科

錢廷選

天啟丁卯科任遊擊

張崇燾

天啟癸酉科

鄭允安

天啟丁卯任都司

張宏範

天啟甲子科

丁應麟

崇禎癸酉科

李培植

崇禎丙子科

張繼官

崇禎壬午科任遊擊

國朝

武舉

吳國翰

順治庚子科

盧毓秀

康熙戊午科任把總

郝日篋

左雲縣志

卷二

五五

李紹祖

康熙癸酉恩科

張衡

乾隆戊午科

李朝棟

咸豐任子科

李朝陽

咸豐戊午科

王樑

同治庚午科

梁致倉

同治庚午科

楊祥

光緒丙子科

明

武宦

范瑾

歷任左都督

張安

歷任都督僉事

張輓

任都督

張軌

任總兵

劉照

任副總兵

毛永

任都督僉事

周廣

任都督僉事

李純

任指揮使

李彬

任叅將

李世臣

任叅將

張國將

任副總兵

黃中順

任叅將

楊克恭

任叅將

李翰賓

任都司

畢應武

歷任貴州總兵

錢中選

歷任湖廣總兵

畢三才

任副總兵

畢元勳

任守備

夏重照

任本城守備

國朝

武宦

李世龍

歷任都督僉事

閻璫

任參將

丁懷忠

任把總

趙虎

任千總

董鴻業

任守備

楊芳

任把總

趙祿

任把總

葛聯升

任把總

郭恒樞

任千總

董緒業

任把總

閻紹藩

任把總

郭翰京

任守備

任柱

任遊擊

趙統

任千總

明

左雲縣志

卷二

五六

監生

王宗伊

王吉士

董維業

考職州同

李毓馨

郝世藩

考職縣丞

席舒

段增色

裴聖簡

裴燦

劉銓

梁秉翔

馬麟

梁緒喆

宋湊

薛文貴

趙紘

考職州同

辛日禧

曹騰蛟

齊天齡

徐懋學

孫耀宗

劉廷弼

關起鵬

候選通判

關起鶴

考職州同

國朝

監生

崔九齡

崔椿

王達

閻槐

穆存義

郭世功

王士吉

趙輔

吳興

王自貞

趙助

吏員

楊如松

任大顯

穆宏憲

成復興

授浙江湖州府烏程縣縣丞

成志仁

分發河南

王榮慶

分發直隸

王黼卿

分發雲南魯甸

常汝霖

姚峻德

鄧文中

姚承虞

岳汝鈺

左雲縣志

卷二

五七

明

僑徙

曹文詔

右玉衛歷任總兵崇禎十三年征流寇亡於陣三院旌表御賜葬祭立祠於邑之南街宅在西街其墓距邑五十里

范鳴珂

威遠衛人任陝西布政司叅政宅在邑北街墓在城西北距城十里

郝權

陽高衛人署甯武副總兵宅在邑南街墓在劉家窑

穆承寵

威遠衛歲貢任訓導宅在邑北街其嗣入籍本邑

任載

威遠衛歲貢任訓導宅在邑之西南隅

安盈止

右玉衛人候推千總宅在邑之南街

侯元勳

原左雲縣人入籍大同由武生中進士任叅將宅在邑中所街墓在邑西南距城五里

郭恒辰

號松泉原籍大同山陰人其先世曰崇公遷居左雲助馬堡自辰以拔貢中式嘉慶甲子舉人甲戌進士由吏部主事升郎中歷任湖南岳州浙江台州嚴州等府知府致仕後世居助馬子孫遂

明藝術

任榮

貢生載之祖也家世業醫榮更精於彫劑好神仙術宏治元年六十忽無病而卒未幾有人遇於道見榮騎黑駒寄回布二疋画有魚形家人異之啟棺惟遺履踰年鄉人陳守至陳州見榮在市施藥大驚把其臂曰公固無恙耶榮笑曰然固未死也嘉靖壬辰大同令黃某者其妻父張於伏半山遇一道人曰我任榮也公今去視令堦黃公當某曰與小孫會幸轉道之後果遇言盡符萬歷二年大同府張省祭抵湖廣艾御史家艾之家人經五當山下見草菴一道人清姿逸秀端坐如几曰為我告張省祭到大同說與任榮家子孫待我宮殿完日即當回看言畢不見兄歷露踪跡

國朝藝術

傅

字建業躬行謹愨氣象敦龐不求聞達絕迹塵囂精於手彈曲畫動靜之妙

上憲每於簿書之暇時常徵聘從無一言及官事雖碌碌之王亦可謂知高尚者矣

王利仁

天性孤高精於醫下且明於針灸幼慕性理周易之學研精神思三年面壁頗有所得家貧自食其力敝衣藿食而無戚容生平未嘗以口腹之故于求親戚時人有號以半仙者亦藝術中之隱逸者也

亢映世

原籍嶧縣人現充本邑醫學訓科秉性仁慈行事忠厚生平以醫道濟世不以峻劑求速效不以霸藥居奇功以故六十年來未嘗悞藥一人而且市藥無重價病痊不索謝蓋藝術中之持中守口者也

賄封

左雲縣志

卷二

明

范瑾

任都督勅誥無考

張安

由都督僉事受弘治十三年誥命祖源贈驃騎將軍都督僉事祖母趙氏贈夫人父瑛贈驃騎將軍都督僉事母光氏贈夫人妻李氏贈夫人繼妻潘氏贈夫人

畢應武

由貴州總兵祖相贈光祿大夫祖母郭氏贈夫人父國卿贈光祿大夫母楊氏贈夫人妻曹氏贈夫人

錢中選

由鎮守湖廣提督漢土官兵受崇禎十五年誥命四軸曾祖樑贈光祿大夫太子少保左軍都督府左都督祖母王氏贈一品夫人父化龍贈光祿大夫太子少保左軍都督府左都督前母王氏贈一品夫人人生母劉氏封一品夫人妻張氏封一品夫人

國朝

李世龍

字興雲明嘉靖大同靖難總兵名將瑾之後由浙江湖協把總於康熙十三年隨和碩康親王征剿耿逆屢建功

勳賜蟒袍一襲加都督同知於康熙二十年浙江遊擊任內受
誥命四軸曾祖良臣贈榮祿大夫都督同知曾祖母錢氏贈
夫人祖金鳴贈榮祿大夫都督同知祖母丁氏贈夫人父大
宇贈榮祿大夫都督同知母王氏贈夫人妻劉氏封夫人歷
任陝西下馬關都督同知管叅將事康熙二十七年致仕

閻 璫

由淮安領運千總於康熙五十二年受 誥命二軸父弘任
贈宣武將軍母陳氏封恭人妻康氏贈恭人繼妻郭氏封恭人
母氏恭遇捐運米例內開捐駝三隻准給本生父母封典紘遵
例捐駝三隻領收部照於雍正四年九月請到勅命二軸父君
顯贈儒林郎侯選州同母王氏封安人並給部照

趙 紘

趙 統

任千總陞浙江台州都司

馳封明威將軍